

fardhu, mengharamkan apa yang haram dan menghalalkan apa yang halal,⁵³ adakah saya akan masuk syurga?” Jawab Nabi s.a.w.: “Ya”.

٩- عَنْ جَابِرٍ أَنَّ رَجُلًا سَأَلَ رَسُولَ اللَّهِ صَلَّى اللَّهُ عَلَيْهِ وَسَلَّمَ فَقَالَ أَرَأَيْتَ إِذَا صَلَّيْتُ الصَّلَوَاتِ الْمَكْتُوبَاتِ وَصُمْتُ رَمَضَانَ وَأَخْلَلْتُ الْحَلَالَ وَحَرَّمْتُ الْحَرَامَ وَلَمْ أَزِدْ عَلَى ذَلِكَ شَيْئًا أَأَدْخُلُ الْجَنَّةَ قَالَ نَعَمْ قَالَ وَاللَّهِ لَا أَزِيدُ عَلَى ذَلِكَ شَيْئًا.

9- Jabir meriwayatkan bahawa ada seorang lelaki⁵⁴ bertanya Rasulullah s.a.w., katanya, bagaimana kalau saya mendirikan sembahyang fardhu, berpuasa bulan Ramadhan, mengharamkan apa yang haram dan menghalalkan apa yang halal. Saya tidak melakukan lebih dari itu.⁵⁵ Adakah saya akan (dapat) masuk syurga? Jawab Rasulullah: “Ya,”. Kata orang itu (seterusnya): “Demi Allah, tidak akan saya tambah apa-apa dari yang tersebut itu.”⁵⁶

باب بيان أركان الإسلام ودعائمه العظام

Bab Tentang Rukun Islam Dan Tiang-Tiang Serinya

١٠- عَنْ ابْنِ عُمَرَ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ بُنِيَ الْإِسْلَامُ عَلَى خَمْسَةٍ عَلَى أَنْ يُؤَخَّذَ اللَّهُ وَإِقَامُ الصَّلَاةِ وَإِيتَاءُ الزَّكَاةِ وَصِيَامُ رَمَضَانَ وَالْحَجُّ فَقَالَ رَجُلٌ الْحُجُّ وَصِيَامُ رَمَضَانَ قَالَ لَا صِيَامَ رَمَضَانَ وَالْحُجُّ هَكَذَا سَمِعْتُهُ مِنْ رَسُولِ اللَّهِ صَلَّى اللَّهُ عَلَيْهِ وَسَلَّمَ

⁵³ Maksud ibarat ini ialah mempercayai haram apa yang haram, di samping tidak melakukannya. Berbeza dgn apa yang halal, ia hanya mesti dipercayai halal sahaja, tidak pula mesti anda melakukannya.

⁵⁴ Beliau ialah Nu'man bin Qauqal yang tersebut di dalam riwayat sebelum ini.

⁵⁵ Maksudnya ialah tidak melakukan amalan-amalan yang sunat.

⁵⁶ Mungkin sekali maksudnya ialah dia tidak akan melakukan amalan-amalan yang sunat, namun tidak pula akan mengabaikan mana-mana amalan yang fardhu atau wajib. **Antara kesimpulan yang dapat dipetik daripada hadits ini dan hadits sebelumnya ialah:** (1) Mengerjakan sembahyang lima waktu adalah salah satu perkara yang membawa seseorang memasuki syurga. (2) Umat Islam diwajibkan berpuasa pada bulan Ramadhan. (3) Hanya amalan fardhu yang perlu dikerjakan untuk dapat memasuki syurga, amalan-amalan sunat bukanlah merupakan syarat untuknya. (4) Hanya Allah yang boleh menentukan halal haram, manusia hanya perlu mempercayainya. (5) Apa yang halal tidak semestinya dilakukan kesemuanya, mempercayainya halal sudah mencukupi. Apa yang haram pula mestilah dijauhi kesemuanya, tidak memadai sekadar mempercayainya haram sahaja.

10- Ibnu Umar meriwayatkan daripada Nabi s.a.w. Baginda s.a.w. bersabda: Islam itu dibangun di atas lima perkara. (Pertama) Tauhid (mengesakan Allah).⁵⁷ (Kedua) Mendirikan sembahyang.⁵⁸ (Ketiga) Memberi zakat.⁵⁹ (Keempat) Berpuasa di bulan Ramadhan⁶⁰ dan (kelima) Mengerjakan Haji.⁶¹ Tiba-tiba Ada seorang lelaki⁶² berkata: "Haji dan puasa bulan Ramadhan". Jawab Ibnu Umar: "Tidak! Puasa bulan Ramadhan dan Haji. Begitulah aku dengar daripada Rasulullah s.a.w."⁶³

١١ - عَنْ ابْنِ عُمَرَ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ بُنِيَ الْإِسْلَامُ عَلَى خَمْسٍ عَلَى أَنْ يُعْبَدَ اللَّهُ وَيُكْفَرَ بِمَا دُونُهُ وَإِقَامُ الصَّلَاةِ وَإِيتَاءُ الزَّكَاةِ وَحَجُّ الْبَيْتِ وَصَوْمُ رَمَضَانَ.

11- Ibnu Umar meriwayatkan daripada Nabi s.a.w. Baginda s.a.w. bersabda: "Islam itu dibangun di atas lima perkara. (Pertama) Mentauhidkan Allah dan mengufuri selainNya. (Kedua) Mendirikan sembahyang. (Ketiga) Mengeluarkan zakat. (Keempat) Mengerjakan Haji ke Baitillah dan (kelima) Berpuasa di bulan Ramadhan.

⁵⁷ أَنْ يُؤَخَّدَ اللَّهُ bererti mengesakan atau mentauhidkan Allah. Ia bersesuaian dgn hadits ke 13 nanti. Di dalamnya tersebut شهادة أَنْ لَا إِلَهَ إِلَّا اللَّهُ (bersaksi bahawa tiada tuhan melainkan Allah).

⁵⁸ Sembahyang ialah Ibadat Badaniyyah (berkait dengan tubuh badan). Ia boleh dilakukan sesiapa sahaja, sama ada miskin atau kaya.

⁵⁹ Zakat ialah Ibadat Maaliyyah (berkait dengan harta) semata-mata. Ia langsung tidak berkait dengan tubuh badan. Itulah alasan mazhab Syafi'e yang mewajibkan zakat ke atas kanak-kanak yang belum baligh. Alasannya ialah ia merupakan hak golongan tertentu dalam harta orang-orang kaya. Tidak kira sama ada ia seorang yang sudah baligh atau belum.

⁶⁰ Puasa ialah Ibadat Tarkiiyyah (bersifat meninggalkan), kerana ketika berpuasa anda perlu meninggalkan makan, minum, persetubuhan, ma'shiat dan sebagainya.

⁶¹ Haji ialah Ibadat Badaniyyah dan juga Maaliyyah. Meletakkan perkataan puasa atau Haji dahulu atau kemudian tidak menjadi masalah. Tetapi meletakkan Puasa dahulu berbanding Haji lebih sesuai dari segi tertib (tasyri'inya), kerana Puasa dahulu yang mula-mula di syari'atkan, kemudian barulah Haji. Menurut sesetengah 'ulama' Haji baru di fardhukan pada tahun yang ke-6 atau ke-9). Kalau dilihat daripada segi kedudukan kedua-duanya sama-sama rukun Islam, sama penting dan sama wajib, maka tiada perbezaan antaranya. Mungkin juga orang berkenaan cuba mengingatkan Ibnu 'Umar tentang tertib sebenar hadits yang diketahuinya. Ibnu 'Umar pula menyebutkan apa yang didengarinya sendiri dari rasulullah s.a.w.

⁶² Al-Hafidz Abu Bakar al-Khatib al-Baghdadi menyebutkan di dalam kitabnya Al-Asmaa' Al-Mubhamah bahawa lelaki itu ialah Yazid bin Bisyr As-Saksaki.

⁶³ **Antara kesimpulan yang dapat dipetik daripada hadits ini ialah:** (1) Keistimewaan 'aqidah tauhid. (2) Amanah dalam menyampaikan ilmu. (3) Kepentingan menjaga ketulenan kata-kata Nabi s.a.w. (4) Memberi keutamaan kepada perkara yang lebih penting.

١٢- عَنْ عَبْدِ اللَّهِ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ بُنِيَ الْإِسْلَامُ عَلَى خَمْسٍ شَهَادَةِ أَنْ لَا إِلَهَ إِلَّا اللَّهُ وَأَنَّ مُحَمَّدًا عَبْدُهُ وَرَسُولُهُ وَإِقَامَ الصَّلَاةِ وَإِيتَاءَ الزَّكَاةِ وَحَجَّ الْبَيْتِ وَصَوْمَ رَمَضَانَ.

12- Abdullah (bin `Umar r.a.) meriwayatkan, Rasulullah s.a.w. bersabda: Islam itu di dibangunkan di atas lima perkara. (Pertama) Bersaksi bahawa tiada tuhan selain Allah dan bahawa Muhammad itu hamba dan juga RasulNya. (Kedua) Mendirikan sembahyang. (Ketiga) Mengeluarkan zakat. (Keempat) Mengerjakan Haji ke Baitillah dan (kelima) Berpuasa di bulan Ramadhan.

١٣- عَنْ عِكْرِمَةَ بْنِ خَالِدٍ يُحَدِّثُ طَاوُسًا أَنَّ رَجُلًا قَالَ لِعَبْدِ اللَّهِ بْنِ عُمَرَ أَلَا تَغْزُو فَقَالَ إِنِّي سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ إِنَّ الْإِسْلَامَ بُنِيَ عَلَى خَمْسٍ شَهَادَةِ أَنْ لَا إِلَهَ إِلَّا اللَّهُ وَإِقَامَ الصَّلَاةِ وَإِيتَاءَ الزَّكَاةِ وَصِيَامَ رَمَضَانَ وَحَجَّ الْبَيْتِ

13- `Ikrimah bin Khalid menceritakan kepada Thawus bahawa ada seorang lelaki<sup>64</sup> bertanya Abdullah bin `Umar, mengapa anda tidak pergi berperang (berjihad fi sabilillah)? Jawab beliau, sesungguhnya aku telah mendengar Rasulullah s.a.w. bersabda, bahawasanya Islam itu dibina di atas lima perkara, bersaksi bahawa tiada Tuhan (yang berhak disembah) melainkan Allah, mendirikan sembahyang, membayar zakat, berpuasa di bulan Ramadhan dan mengerjakan haji ke Baitillah.⁶⁵

باب الأمر بالإيمان بالله تعالى ورسوله صلى الله عليه وسلم وشرائع الدين والدعاء إليه والسؤال عنه وحفظه وتبليغه من لم يبلغه

⁶⁴ Nama beliau ialah Yazid bin Bisyr al-Sakkaki.

⁶⁵ Maksud Ibnu `Umar ialah berperang dan berjihad itu bukanlah sebahagian daripada rukun Islam yang menjadi kewajipan ke atasku, aku tidak pergi berperang atau berjihad kerana aku sibuk dengan perkara yang lebih penting daripada itu. Ibnu `Umar menjawab begini kerana beliau fikir orang bertanyakannya itu menganggap berperang dan berjihad fi sabilillah itu adalah satu fardhu `ain. **Antara kesimpulan yang dapat dipetik daripada hadits ini ialah:** (1) Berjihad fi sabilillah itu adalah salah satu daripada tuntutan agama. (2) Tidak melibatkan diri dalam apa-apa aktiviti untuk menegakkan agama tanpa sebarang sebab yang munasabah adalah satu sifat yang tercela. (3) Berperang bukanlah satu-satunya cara untuk menyebarkan agama Islam. (4) Berperang fi sabilillah adalah fardhu kifayah. (5) Golongan yang terlibat dalam menyebarkan ilmu agama dan memberi kefahaman tentangnya tidak diwajibkan berperang. (6) Tidak ada gunanya memberikan ubat-ubatan tanpa disertakan panduan penggunaannya, demikian juga tidak ada gunanya disebarkan agama Islam sekiranya kefahaman tentang ajarannya diabaikan, bahkan ia mungkin lebih memburukkan lagi keadaan dan merosakkan imej Islam itu sendiri. (7) Sekiranya perbuatan seseorang alim itu menimbulkan tanda tanya, lebih baik bertanyakannya daripada membuat andaian sendiri dan berprasangka.